

Allah Ka Farman

001 Surah Fatiha



Bismillahirrahmanirrahim

Shuru Allah ke naam se jo sab par meherban he, nihayat raham vala.

Taaruf - Sure Fatiha Makki He, Aur Isme 7 Ayate He, Aur Ek Ruku He.

Sure Fatiha Quran Karim ki jo abhi tartib he usme sabse pehli surat he. Balke ye vo surat he jo mukammal taur par najil huvi. Isse pehle koi surat puri najil nahi huvi thi. Balke baaz surto ki kuchh ayate aayi thi. Is surat ko pehle rakhne ka maksad bajahir ye he ke jo shakhas quran se hidayat haasil karna chahta ho. Usse sabse pehle apne khalik aur malik ki shifat ka eteraf (maante huve) uska shukar adaa karna chahiye. Aur ek hak ke talab karne vale ki tarah ussi se hidayat

maangni chahiye. Chunache isme bando ko vo duva sikhayi gayi he jo ek hak ke talab karne vale ko Allah se maangni chahiye. Yani sidhe raaste ki duva. Is tarah is surat me sirate mustakim ya sidhe raaste ki jo duva maangi gayi he. Pura quran uski tashreeh he ke vo sidha raasta kaya he?

Tarjuma **Note- ^Aayat**

Tamam tarife Allah ki he jo tamam jahano ka parvardigar he. Agar aap kisi imarat ki tarif kare to dar hakikat vo iske banane vale ki tarif hoti he, lihaja is kayanat me jis kisi chiz ki tarif ki jaye vo hakikat me Allah hi ki tarif he, kyuake vo chiz Allah ki banaai huvi he, tamam jahano ka parvardigar kehkar issi ki taraf ishara kiya gaya he ke insaano ka jahan ho, ya janvaro ka, jamadat (jungel, pahad, registan) ka jahan ho, ya nabatat ka, aasmano ka jahan ho ya sitaro sayyaro

(planets) or farishto ka, sab ki paidaish or parvarish Allah hi ka kaam he, or in sab jahano me jo koi bhi chiz tarif ke kabil he to vo Allah ki paidaish or parvarish ki shaan ki vajah se he^.

Jo sab par meherban he, bohot meherban he. Arbi ke kayde se rahman ke mana he vo jaat jiski rahmat bohot vasi (Extensive) ho, yani uski rahmat ka fayda sab ko pohoanchta ho, or rahim ke mana vo jaat jiski rahmat bohot jiyada (Intensive) ho, yani jis par ho mukammal taur par ho. Allah ki rahmat duniya me sab ko pohoanchti he, jisse momin kafir sab fayda uthakar rizak paate he, or duniya ki nemato se fayda uthate he, or aakhirat me agarche kafiro par rahmat nahi hogi, lekin jis kisi par yani momino par hogi, mukammal hogi, ke nemato ke sath kisi taklif ka shaiba (shak aur subha) nahi hoga. Rahman or rahim ke maane me jo

ye farak he usko jahir karne ke liye rahman ka tarjuma sab par meherban or rahim ka tarajuma bohot meherban kiya gaya he^.

Jo roje jaja ka maalik he. Roje jaja ka matlab he vo din jab tamam bando ko unke duniya me kiye huve amal ka badla diya jayega yu to roje jaja se pehle bhi kayanat ki har chiz ka asli maalik Allah he, lekin yaha khas taur par roje jaja ke maalik hone ka jikar is liye kiya gaya ke duniya me Allah ne insano ko bohot si chizo ka maalik banaya huva he, ye milkiyat agarche nakis adhuri or araji (temporary) he, lekin jahiri surat ke lihaj se milkiyat hi he, lekin kayamat ke din jab jaja or saja ka vakt aayega to ye nakis or araji milkiyate bhi khatam ho jayegi, us vakt jahiri milkiyat bhi Allah ke siva kisi ki nahi hogi^.

Ae Allah! Ham teri hi ibadat karte he, or

tujhise madad maangte he. Yaha se bando ko Allah se duva karne ka tarika sikhaya jaa raha he, or issi ke sath ye vajeh (clear cut) kar diya gaya he ke Allah ke sivaa koi kisi kisam ki ibadat ke layak nahi, nij har kaam me hakiki madad Allah se hi maangni chahiye, sahi maane me kaarsaj kaam banane vala uske sivaa koi nahi, duniya ke bohot se kaamo me baaz aukat kisi insan se jo madad maangi jati he, vo usse kaam banane vala samaz kar nahi balke ek jahiri sabab samaz kar maangi jaati he^.

Hame sidhe raaste ki hidayat ataa farma^ . Un logo ke raaste ki jin par tune inaam kiya he^ . Na ke un logo ke raaste ki jin par gajab najil huva he, or na un logo ke raaste ki jo bhatke huve he^ .

Bahavala- Urdu Aasan Tarjuma-e Quran Tashreehat Ke Sath/3 Se lipyantaran Kiya He. Hazrat Mufti Taqi Usmani Db.